

永春縣志卷六

城市志

序曰自戰攻之術更而昔日守禦皆失其用重關天塹不足爲固況數仞之城耶永春自桃林場外舊無城郭至明中葉守令柴公肇爲禦寇築之爾後迭有修改雖規樞窄陋不足以壯觀瞻然遠山阻水所以使寇勞而我逸也聞故老言城內舊有七星池街坊之外別開五巷其說乃近於術家語不足爲輕重今夷爲平地矣時各有宜無以後巧嗤前拙也斯持衡之論哉市鎮都里之制蓋與城相經緯者體國經野於政一也並以附諸左方

永春縣志

卷六

城市志

一

城池

永春縣治在大鵬山之陽背大羽面象山下臨長溪全縣適中地也前未有城至明嘉靖初汀漳寇至知縣柴鑣始建城於白馬山麓之環翠亭前築永輝永豐永薰三門以備防守三十九年倭寇自仙遊突至攻縣三門公署民居盡燬知縣萬以忠失守調去始議更築委德化知縣張大綱督建砌以石高丈許四十年賊呂尙四攻陷乃督里班增築之周圍五百一十八丈二尺通志二里三百三十六步廣八尺高連腰城一丈九尺四十一年知縣林萬春始成門四東曰迎暉西曰來德南曰文明北曰拱極砌以石覆以連房城外東西北三道濬濠環之南臨溪是年賊謝愛

夫來攻訓導呂嶽典史羅用弼率民兵拒守二十餘日寇不得入解去其西南溪水齧城知縣謝裘改溪道以殺其勢磴石壩以捍其衝又建西南城隅敵樓一座萬曆二年洪水泛漲知縣許兼善復修築之設警舖五十有二敵臺四崇禎十年知縣楊允升增城高六尺清順治四年海寇陷城十一年復陷十二年聞大軍將至毀城垣去署令歐陽思知縣鄭名王共瞻相繼繕葺改門名東賓暘西延暉南迎薰北拱辰後復於南門東西各啓一門曰水門河通門乾隆十二年知州杜昌丁以水近城基築西壩捍之十六年大水沖損二丈許復修固三十七年知州張所受從西城壕外築雙基上接舊壩下達水門計堤長三百

永春縣志

卷六

城市志

二

七十餘丈自此水患遂殺嗣洪水沖頽十丈餘復修築之時知州姚任道也五十一年知州鄭一崧重修同治六年知州翁學本參將王開俊重修光緒間遊擊樂文祥重修西壩并以磚築城上雉堞建城門樓民國九年因開馬道毀之附杜昌丁新築衛城壩碑

記 衛城壩者永春城西禦水之衝以固州城者也先是城壕爲水所激漸北迫城基故道久淤前人曾議築壩工費頗繁議而未果乙卯改縣爲州余卽承乏甫蒞任紳士卽以爲請余訪之輿情稽之父老仿江省例按糧勸輸已舉行矣未半而奉委采銅後人遂寢其事己未春差還首以此事爲亟而其費不敷中丞王公曾以入告得旨以工代賑令酌量舉

行於是復集紳士續爲勸捐積有千金丁卯之冬敦請老成紳士數人董事擇吉興工司馬李公國璠督率調度署吏目壽君元勳分司采辦三閱月而告竣壩寬一丈五尺長二十丈共糜金錢一千三百餘兩成大觀矣辛未夏洪水陡發沖損壩尾二丈餘大憲委勘議修姜君錫祖運甃在永目擊心動慨請獨任其責興役於乙亥歲計費六百餘金壩遂堅固永保無虞矣丙子余蒙薦入覲回永適屆成功壩內地可墾田若干畝歲收租稅爲義塾膏火之資行人往來甚便咸屬予紀之予惟初至經營於始今來落成於後分任者州司馬李公國璠署吏目壽君元勳吏目周公元豐倡捐者臨清牧

永春縣志

卷六

城市志

三

尤公錫觀共捐者閩州紳士董事者鄭君尙瑞王君際唐續修者姜君錫祖諸公之功不可泯爰敘顛末而爲之記至於捐金芳名及董事姓氏另列碑陰以垂永久茲不及贅

所受

廣東靈山人

新築衛城壩碑記

永春州治負鵬岫襟長溪

溪水自西而東注昔賢及閩志所謂巽水繚環文物風土恍惚桃源因以爲號焉嗣後河失故道洪水疊災直薄城基每至霽霖澎湃城郭田廬咸有崩頽之虞前人屢經防築大都踰時輒壞誠以狂波巨浸之衝齧非尋常沙磧所能遏其溢而安其流也壬辰夏余膺簡命來牧是邦下車按視情形卽引以爲首務而永之紳士亦僉呈亟請樂捐好施共襄盛舉

因與司馬黃公道愨學博江公漳錄事隆公于禮協力籌畫
務使計出萬全橫流永息爰延老成紳士董任其事立科條
設程式寸鏹尺錢不入官舍分督采辦各有專司乃沈松作
撻哀石爲堤從西城壕外築雙基上接舊壩復于南城河通
砌廣城衛直至水門統計雙堤緜亘三百七十餘丈中間造
石梁闢溝澮擴店地百餘間墾田園數十畝歲收租稅以充
義塾自去歲九月朔旦興築於本年閏三月終竣工凡八閱
月雖費白鏹萬餘兩而綢繆孔固永都人士歡欣鼓舞謂此
磐石之基永久以爲民賴焉值余叨計典卓薦行將入覲咸
請紀其勝事刊諸貞珉以昭茲來許余謂爲民禦災防患乃

司牧分內事至若水沴化爲安流實諸紳士贊勸之功其捐
金芳名另勒碑陰均與春城共奠不朽云乾隆三十七年壬
辰記 周鳳翔修築衛城西壩記 環永春皆山州治較爲
平衍城西南溪匯百谷而達於海前明象山麓崩雲龍橋圯
流失故道迨今直薄城基屢興築禦未獲安全歲壬辰張太
公祖來牧斯土相度形勢倡築西南堤壩與司馬黃公學博
江公少府隆公萬全籌畫捐題響應延練達紳士分董厥事
而諸公仍不辭勞瘁早晚分任監督計堤三百七十餘丈凡
八閱月而告竣拓廛地百數十間墾田十餘畝由城東直抵
舊壩長堤一望繫若苞桑當堤上孔道建天后廟規模新創

備極觀瞻去秋淫霖陡漲洶濤衝擊中灣之處墮塌十丈有奇幸勵齋姚太公祖由莆署永毅然引爲己任與江隆二公諮度修理迺勸前次樂輸者解囊襄事酌舉附近董事督理其役慮壩基汕刷沈埋木櫃中填巨石外以抵水衝內以固石址雖遇洪流可恃無恐庶幾有基永俾勿壞也予生長斯地熟覩河患首賴張太公祖荒度經營共欣安堵更賴姚太公祖罅漏補苴益獲周全而黃江隆三公並有監督贊勸之力從茲堤壩長峙永之士民并佩功德於不朽也敬敘始末以勒貞珉

城之外有堡亦古時犄角禦寇之用書傳所謂小國入保者也

永春縣志

卷六

城市志

五

今北方謂之聚亦曰集其建築簡於城亦有原爲城者故附記之

上場堡

在魁星山下卽唐桃林場故城也今土人多稱爲上場城其寬廣與縣城幾相等同治間毀今尚存半焉

湯頭堡

尤家所築也在蓬壺

湖洋堡

在湖洋土人急呼之曰翁城

小姑堡

在南峯下俗稱草埔城

邱家堡

在儒林里俗稱坑尾城

街市

古者日中爲市今鄉之遠城者尙或有之皆謂之墟永春無墟而有市蓋其開化之日久矣不可以不志也

州前市一名南門街 豐岑頭市即西門五里街又名中街其官

田市 赤崎劇市今廢 石鼓市都今微甚 卓埔市九十都計大

使宮街中舖亭街 黃坂市又名一 福鼎街在三都 錦斗街 桂

洋街上二街在 五斗街 坑子口街俱在 董前街在蓬壺有 七

都街 軍兜橋街 四角庭店 官圳邊店 壺口橋店處上僅

各數號董前 五堡菴店在八 椽子林舖在小站西向 太平街名一

街口 東關舖 東嶽街 大路頭店 湖陽街數十 仙溪街

劇頭街 蘇坑店

附 驛舖 係官設以防守地方與塘汛同非商舖也後俱廢

州前總舖司一名兵二 長安舖達南安在城南十五里小姑地

永春縣志 卷六 城市志 六

舖尾有 劇頭舖達德 冷水舖在城東十里 軍兜舖在城西里 錦

斗舖在城西四 龜洋舖即桂洋在城 南洋舖在城西六十

舖 埔塘汛在豐岑頭 上五舖皆陞州後添設

都圖

永春全境宋元分二十五都明永樂中并為二十四都清康熙

二十九年復析二十四二十五兩都今都二十五鄉五里一十

八舊志里

一宣和鄉轄里四而民蘇在一二都曰善化在三四都曰福德

在五六都曰昇平在七都

一里仁鄉轄里三曰招集在八都曰安仁在九十都曰始安在

十一都

一集慶鄉轄里四舊縣志三曰安平在十二都曰迎福在十三都曰和風在二十四都曰儒林在二十五都

一善政鄉轄里四曰昭善在十四都曰和平在十五六都曰桃源在十七八都曰清白在十九都

一民康鄉轄里三曰鳴琴在二十都曰常安在二十一二都曰慕仁在二十三都

交通附

郵政 永春前無郵局清光緒二十八年始開辦寄萬五里街吳氏宅後移東門外桃源殿邊嗣因地點狹隘不便開局乃再

永春縣志

卷六

城市志

七

移城內許來街亦作許內街鄭姓裕軒公祠房屋頗多局面宏敞自是以後中外信件來往駱驛司其事者率認真辦理並無稽滯現升爲二等交通局此外鄉市繁盛之區如南門外大馬路五里街蓬壺達埔五斗小姑湖洋東關太平劇頭舖等處俱設有代收信櫃交通甚爲利便惟民七以來閩地不靖每發生截劫郵件之案辦理頗生障礙是亦時勢之無可如何者也

航路 永春南門溪原名桃溪亦曰州前溪上接石鼓下達留灣復自留灣達南安水江村通舟楫之地可三十里自此會於雙溪再達金溪卽入於晉江計一百餘里舟楫往來頗爲利便惜乎港狹灘多利小舟不利大舟利順流不利溯流水小之時

推挽費力水盛之際衝激堪虞是亦天限之也

車路 永春從前諸通行大路皆以石疊成出自明時里紳李開芳開藻兄弟及清代里紳尤元會錫觀父子建築居多比之他縣頗少崎嶇泥淖之患惟利徒行而不便車馬至民國九年後始有之首事者爲王榮光因其事在民國後衆所周知故興建始末從略

電信 永春未有電綫雖軍興以來頗事建設然只係軍用且措置草率故亦從略